

საქართველოს უზენაესი სასამართლოს მოსამართლის თანამდებობაზე ასარჩევად საქართველოს  
პარლამენტისათვის წარსადგენი სამოსამართლო გამოცდილების მქონე მოსამართლეობის  
კანდიდატის შეფასების ფორმა

**კატერინა კულულაშვილის**  
მოსამართლეობის კანდიდატის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	17	20
სამართლებრივი დასაბუთების უნარი და კომპეტენცია	19	20
წერის უნარი	19	20
ზეპირი კომუნიკაციის უნარი	14	15
პროფესიული თვისებები, მათ შორის, ქცევა სასამართლო დარბაზში	15	15
აკადემიური მიღწევები და პროფესიული წვრთნა	4	5
პროფესიული აქტივობები	4	5
ქულათა ჯამი	92	100

სახელი, გვარი: ნიკოლოზ მარსაგიშვილი

თარიღი: 29.04.2024



## საქართველოს იუსტიციის უმაღლესი საბჭოს მდივანი ნიკოლოზ მარსაგიშვილი

საქართველოს უზენაესი სასამართლოს მოსამართლის შესარჩევ პროცედურაში  
მონაწილე კანდიდატის - ევატერინე კულულაშვილი შეფასების დასაბუთება

29.04.2024

საქართველოს იუსტიციის უმაღლესი საბჭოს 2024 წლის 24 იანვრის N<sup>o</sup> ¼ განკარგულებით დაწყებული საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი კანდიდატის - ევატერინე კულულაშვილი შეფასების დასაბუთების შედგენის პროცესში ვიხელმძღვანელე „საერთო სასამართლოების შესახებ“ საქართველოს ორგანული კანონის 34<sup>1</sup>-ე მუხლის მე-11 პუნქტით დადგენილი წესით.

მოსამართლეობის კანდიდატის შეფასება კეთილსინდისიერების კრიტერიუმის მიხედვით	კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/> კეთილსინდისიერების კრიტერიუმით, საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატი შეფასდა „საერთო სასამართლოების შესახებ“ საქართველოს ორგანული კანონის 35 <sup>1</sup> მუხლით დადგენილი მახასიათებლების მიხედვით.
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/> ამ კრიტერიუმით მოსამართლეობის კანდიდატის - ევატერინე კულულაშვილის შეფასებისას მხედველობაში იქნა მიღებული მისი, როგორც მოსამართლის და

<p>მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს</p>	<p><input checked="" type="checkbox"/> მოქალაქის კეთილსინდისიერება, კორექტულობა, პასუხისმგებლობის მაღალი გრამწობა, თავმდაბლობა, პრინციპულობა, სამართლიანობა, ზეგავლენებისაგან მედეგობა და სხვა პირადი თუ პროფესიული თვისებები. კანდიდატი სამსახურებრივ და სხვა მოვალეობებს, მათ შორის, ფინანსურ ვალდებულებებს ასრულებს ჯეროვნად. ეკატერინე კულულაშვილი გამოიჩინა პრინციპულობით, პოლიტიკური და სხვა ნიშნით მიუკერძოებლობით, მოსამართლის მაღალი წოდების შესაბამისი ქვევითა და იმიჯით. რეკომენდაციონები და კანდიდატთან პიროვნულ თუ პროფესიულ ურთიერთობაში მყოფი სხვა პირები მის პირად თვისებებსა და პროფესიულ საქმიანობას აფასებენ დადებითად და მიაჩინათ, რომ კანდიდატი სრულად აკმაყოფილებს კეთილსინდისიერების კრიტერიუმს.</p> <p>ეკატერინე კულულაშვილს სახელმწიფო ბიუჯეტის მიმართ დავალიანება არ ერიცხება, არ არის რეგისტრირებული მეწარმეთა და არასამეწარმეო იურიდიულ პირთა რეესტრში. აქვს მიმდინარე სესხი, მცირედი ჯარიმებით, მაგრამ დადებითი საკრედიტო ისტორია.</p> <p>ეკატერინე კულულაშვილის მიმართ დისციპლინური დევნა ან/და სისხლის სამართლის საქმის წარმოება დაწყებული არ არის, აგრეთვე არ უფიქსირდება საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევის ჩადენის ფაქტი.</p> <p>ეკატერინე კულულაშვილი 2 სისხლის სამართლის საქმეზე ცნობილია დაზარალებულად, სხვა სამართლებრივ დავაში მხარედ წარმოდგენილი არ არის.</p> <p>ეკატერინე კულულაშვილი არასდროს ყოფილა რომელიმე პოლიტიკური ჯგუფის მხარდამჭერი, წევრი ან/და შემომწირველი. მოძიებული ინფორმაციით არ გამოვლენილა კანდიდატის მხრიდან მიერმოებული დამოკიდებულება რომელიმე ჯგუფის მიმართ და ასეთი დაშვიდებულება მას არ გამოუვლენია საჯარო მოსმენისას.</p> <p>ზემოაღნიშნული ინფორმაციისა და გარემოებების გათვალისწინებით, მიმაჩნია, რომ ეკატერინე კულულაშვილი, როგორც სამოსამართლო გამოცდილების მქონე საქართველოს უზენაესი სასამართლოს მოსამართლეობის კანდიდატი, სრულად აკმაყოფილებს კეთილსინდისიერების კრიტერიუმს.</p>
---	--

მოსამართლეობის კანდიდატის შეფასება კომპეტენტურობის კრიტერიუმის მიხედვით	საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატი კომპეტენტურობის კრიტერიუმის მიხედვით შეფასდა „საერთო სასამართლოების შესახებ“ საქართველოს ორგანული კანონის 35 <sup>1</sup> მუხლის მე-17 პუნქტით დადგენილი წესით.		
კრიტერიუმი	მიღებული ქულა	მაქსიმალური ქულა	კომენტარი

სამართლის ნორმების ცოდნა

17

20

მითითებული მახასიათებლით კანდიდატის შეფასებისას გაითვალისწინება მატერიალური და საპროცესო კანონმდებლობის, ადამიანის უფლებების სამართლის, მათ შორის ადამიანის უფლებათა ევროპული სასამართლოს პრეცედენტული სამართლის ცოდნის დონე, აგრეთვე - გამოტანილ გადაწყვეტილებებში სამართლის ნორმების, მათ შორის, ადამიანის უფლებათა ევროპული სასამართლოს პრეცედენტული სამართლის გამოყენების სისწორე, საჯარო მოსმენით მიღებული შთაბეჭდილება.

კანდიდატთან გამართული საჯარო მოსმენისა და მის შემცირებული საჯარო დოკუმენტების გათვალისწინებით, მიმაჩნია, რომ ეკატერინე კულულაშვილი კარგად იცნობს სისხლის სამართლის მატერიალურ და საპროცესო კანონმდებლობას. მას ასევე აქვს საერთაშორისო სამართლისა და პრაქტიკის ცოდნის სათანადო დონე, ეცნობა კანონმდებლობაში განხორციელებულ ცვლილებებსა და საქართველოს უზენაესი სასამართლოს პრაქტიკას. გასაუბრებისას კანდიდატი თავისუფლად მსჯელობდა სხვადასხვა სამართლებრივ საკითხზე, რა დროსაც მოიყვანა კონკრეტული მაგალითები სასამართლო პრაქტიკიდან. მირითადან კანდიდატის პასუხები და მსჯელობა იყო სწორი, დამაჯერებელი და არგუმენტირებული, თუმცა რამდენიმე კითხვაზე გაუჭირდა პასუხის გაცემა, კერძოდ, - აბსოლუტურ უფლებებსა და გამოხატვის თავისუფლების შეზღუდვის ლეგიტიმურ მიზნებთან დაკავშირებით დასმულ შეკითხვებზე.

			კანდიდატს ჩაბარებული აქვს მოსამართლეობის საკუალიფი- კაციო გამოცდა სისხლის სამართლის სპეციალიზაციით, იყო იუსტიციის უმაღლესი სკოლის მსმენელი.
სამართლებრივი დასაბუთების უნარი და კომპეტენცია	19	20	<p>მითითებული მახასიათებლით კანდიდატის შეფასებისას გაითვალისწინება მისი ანალიტიკური აზროვნების უნარი და პროფესიული გამოცდილება, აგრეთვე სამოსამართლო გამოც- დილების კანდიდატის მიერ განხილულ საქმეებზე გამოტა- ნილი გადაწყვეტილებების დასაბუთებულობა და დამაჯერებ- ლობა.</p> <p>კომპეტენტურობის კრიტერიუმის აღნიშნული მახასიათებლით კანდიდატის შეფასებისას, მირითადად მხედველობაში მივიღე კანდიდატის მიერ წარმოდგენილი სამართლებრივი დოკუმენ- ტები (გადაწყვეტილებები), აგრეთვე საჯარო მოსმენაზე მისი გამოსვლა და მიმაჩნია, რომ ეკატერინე კულულაშვილს გააჩნია სამართლებრივი დასაბუთების კარგი უნარი და კომპეტენცია.</p> <p>ეკატერინე კულულაშვილს აქვს ხანგრძლივი პროფესიული, მათ შორის, მოსამართლედ მუშაობის 9 წლიანი გამოცდილება და ამ პერიოდში იყო მხოლოდ სისხლის სამართლის საქმეთა განმხილველი მოსამართლე. მიმაჩნია, რომ კანდიდატი გამო- ირჩევა ანალიტიკური აზროვნებითა და აზრის დამაჯერებლად და კულიფიციურად გადმოცემის უნარით. მისი გადაწყვეტი- ლებები არის სამართლებრივად დასაბუთებული და დამაჯერე- ბელი.</p>
წერის უნარი	19	20	<p>ამ მახასიათებლით კანდიდატის შეფასებისას გაითვალისწინება წერილობით აზრის ნათლად და გასაგებად გადმოცემის, ლოფი- კური მსჯელობისა და ანალიზის უნარი.</p> <p>კანდიდატის მიერ წარმოდგენილი სამართლებრივი დოკუმენ- ტებიდან ჩანს, რომ ეკატერინე კულულაშვილს აქვს სათანადო</p>

			<p>წერის უნარი, მისი მსჯელობა ლოგიური, თანმიმდევრული და დამაჯერებელია. კერძოდ, კანდიდატი კარგად იყენებს და აანალიზებს სამართლებრივ ნორმებს. აღსანიშნავია, რომ იგი ახერხებს სამართლებრივი საკითხების სწორად აღქმას და მისი მსჯელობის თანმიმდევრულად, ნათლად გადმოცემას. ასევე მიმაჩნია, რომ შესწავლილ დოკუმენტებში მნიშვნელოვანი და თვალსაჩინო გრამატიკული შეცდომები არ ფიქსირდება.</p>
ზეპირი კომუნიკაციის უნარი	14	15	<p>მითითებული მახასიათებლით კანდიდატის შეფასებისას მხედველობაში მიიღება გამართული მეტყველებისა და სხვისი აზრის მოთმინებით მოსმენის უნარი, ღიაობა, განსხვავებული აზრის მოსმენის შესაძლებლობა (უნარი) და საჯარო მოსმენისას მიღებული სხვა შთაბეჭდილება.</p> <p>კანდიდატის საჯარო მოსმენის შედეგად მიცედი დასკვნამდე, რომ ეკატერინე კულულაშვილს აქვს გამართული მეტყველების და საკუთარი აზრის მკაფიოდ და გასაგებად გადმოცემის უნარი. კანდიდატი საჯარო მოსმენაზე იყო მობილიზებული, ნათლად, გასაგებად და არგუმენტირებულად მსჯელობდა როგორც ზოგად, ისე სამართლებრივ საკითხებზე. ასევე უნდა აღინიშნოს, რომ ეკატერინე კულულაშვილს გააჩნია სხვისი მოსაზრების მოთმინებით მოსმენის უნარი.</p>
პროფესიული თვისებები, მათ შორის, ქცევა სასამართლო დარბაზში	15	15	<p>აღნიშნული მახასიათებლით სამოსამართლო გამოცდილების მქონე კანდიდატის შეფასებისას გაითვალისწინება მისი პუნქტუალურობა, საქმის ჯეროვნად და პასუხისმგებლობით მომზადება, ქცევა სასამართლო დარბაზში და სხდომის სათანადოდ წარმართვის უნარი, ქცევა მხარეებთან ურთიერთობისას, გულმოდგინება და მრომისმოყვარეობა, პროდუქტიულობა და სისწრაფე, საპროცესო ვადების დაცვა და სხვა უნარები.</p> <p>როგორც რეკომენდატორები და კანდიდატთან სამსახურებრივ და პირად კავშირში მყოფი სხვა რესპონდენტები აღნიშნავენ, ეკატერინე კულულაშვილი გამოირჩევა შრომისმოყვარეობით,</p>

			<p>მიზანდასახულობით, გადაწყვეტილების დაუხმარებილად მიღებისა და დამოუკიდებელი აზროვნების უნარით, აქვს კარგი მეწეჯერული თვისებები, შეუძლია სტრუსულ სიტუაციასთან გამკლავება.</p> <p>შესამოწმებელ პერიოდში (ზოლო სამი წლის განმავლობაში) კანდიდატმა ყველა საქმე განიხილა საპროცესო გადების დაცვით, ასევე დადგენილ ვადებში მოამზადა გადაწყვეტილებები. მასვე, კარგი მაჩვენებელი აქვს გასაჩივრებულ გადაწყვეტილებათა სტაბილურობის კომპონენტში - უცვლელი 92,6% და საანგარიშო პერიოდში დასრულებული აქვს დღეში საშუალოდ 3.6 საქმე.</p> <p>აღსანიშნავია, რომ კანდიდატი, გარდა სამოსამართლო უფლებამოსილების განხორციელებისა, აგრეთვე ასრულებს აღმინისტრაციულ ფუნქციებს - არის ბათუმის საქალაქო სასამართლოს თავმჯდომარის მოვალეობის შემსრულებელი.</p> <p>კანდიდატის მიმართ არ არსებობს დისციპლინური წარმოების დაწყების შესახებ ინფორმაცია</p>
აკადემიური მიღწევები და პროფესიული წვრთნა	4	5	<p>აღნიშნული მახასიათებლით კანდიდატის შეფასებისას ძირითადად გაითვალისწინება სიახლეების მიმართ მისი ღიაობა, თვითგანვითარების უნარი, პროფესიული წვრთნის პროგრამაში მონაწილეობა, ახალი ცოდნისა და უნარების შეძენის ინტერესი, შეძენილი ცოდნისა და უნარების პრაქტიკულ საქმიანობაში გამოყენება და სხვ.</p> <p>ეკატერინე კულულაშვილი ფლობს ინგლისურ და რუსულ ენებს, ახალი ცოდნის შეძენისა და მისი პრაქტიკაში გამოყენების მიზნით, მონაწილეობა აქვს მიღებული სრვადასხვა სემინარსა და სამუშაო შეხვედრაში.</p>
პროფესიული აქტივობა	4	5	<p>აღნიშნული მახასიათებლებით კანდიდატის შეფასებისას გაითვალისწინება მის მიერ ინიციატივის გამოჩენის უნარი,</p>

			<p>იდეებისა და წინადადებების წამოყენება, მისი სამეცნიერო და სხვა პუბლიკაციები, ხოლო სამოსამართლო გამოცდილების მქონე კანდიდატის მიმართ შეფასებისას აგრეთვე გაითვალისწინება სამართლებრივი სისტემისა და მართლმსაჯულების საკითხებზე სხვადასხვა ფორმატის დისკუსიებში, შესვედრებსა და სემინარებში მისი მონაწილეობა, საკუთარი პოზიციისა და შესედულებების ღიად და თავისუფლად გამოხატვა.</p> <p>ეკატერინე კულულაშვილის პროფესიულ აქტივობასთან დაკავშირებით შეიძლება ითქვას, რომ მას მონაწილეობა აქვს მიღებული მართლმსაჯულების საკითხებზე გამართულ სხვადასხვა ღონისმიებაში - სამუშაო შეხვედრებში, ტრენინგებსა და სემინარებში, თუმცა კანდიდატი არ ეწევა პედაგოგიურ საქმიანობას და არ აქვს მომზადებული სამეცნიერო ან სხვა სახის პუბლიკაცია.</p>
ქულათა ჯამი	92	100	

## დასაბუთება

უზენაესი სასამართლოს მოსამართლეობის კანდიდატის შეფასება  
კეთილსინდისიერების კრიტერიუმის მახასიათებლების მიხედვით

„საერთო სასამართლოების შესახებ“ საქართველოს ორგანული კანონის თანახმად, იმის დასადგენად, თუ რამდენად აკმაყოფილებს კანდიდატი ეკატერინე კულულაშვილი კეთილსინდისიერების კრიტერიუმს, წინამდებარე დასკვნაში წარმოდგენილი და გაანალიზებულია მისი შეფასება აღნიშნული კრიტერიუმის თითოეულ მახასიათებელთან მიმართებით. კერძოდ, როგორიც არის - პიროვნული კეთილსინდისიერება და პროფესიული სინდისი, დამოუკიდებლობა, მიუკერძოებლობა და სამართლიანობა, პიროვნული და პროფესიული ქცევა, პიროვნული და პროფესიული რეპუტაცია და ფინანსური ვალდებულება.

ადსანიშნავია, რომ კეთილსინდისიერების კრიტერიუმით ეკატერინე კულულაშვილის შეფასება დაეყრდნო კანდიდატების შესახებ მოძიებულ ინფორმაციას, რა დროსაც სხვადასხვა უწყებიდან მოხდა მის შესახებ შემდეგი სახის ინფორმაციის გამოთხოვა: საქართველოს შინაგან საქმეთა სამინისტროდან - მონაცემები ადმინისტრაციული სამართალდარღვევების შესახებ; სს „კრედიტინფო საქართველოდან“ - სრული პერსონალური საკრედიტო ინფორმაცია; საქართველოს ფინანსთა სამინისტროს შემოსავლების სამსახურიდან - ცნობა შემოსავლების შესახებ; საჯარო სამსახურის ბიუროდან - ქონებრივი მდგომარეობის დეკლარაცია; კანდიდატის სამუშაო ადგილიდან - ინფორმაცია დისციპლინური სამართალწარმოების შესახებ. ეკატერინე კულულაშვილის დახასიათების მიზნით მასთან სამსახურებრივ და პირად ურთიერთობაში მყოფი პირებისაგან მიღებულ იქნა შევსებული სპეციალური ფორმის რეკომენდაციები, კითხვარები და სხვ. ამასთან, მნიშვნელოვანია, აღინიშნოს ისიც, რომ ეკატერინე კულულაშვილის შეფასებისას გათვალისწინებულ იქნა მის მიერ განაცხადის შევსებისას მითითებული ინფორმაცია და საჯარო მოსმენისას უშუალოდ კანდიდატის მხრიდან გამოვლენილი სხვადასხვა თვისებები და მახასიათებლები.

პიროვნული კეთილსინდისიერებისა და პროფესიული ხინდისის მახასიათებლის თაობაზე შეიძლება ითქვას, რომ ეკატერინე კულულაშვილის შესახებ გამოკითხული პირები და რეკომენდატორები აფასებენ მას, როგორც კეთილსინდისიერ, კომპეტენტურ, კომუნიკაციულურ, გაწონასწორებულ, შრომისმოყვარე, პრინციპულ პიროვნებას. აღნიშნავენ, რომ გამოირჩევა პასუხისმგებლობის მაღალი გრძნობით, მიზანდასახულობით, დამოუკიდებლობით, საქმისადმი ერთგულებით, კომპეტენტურობით. რესპონდენტები არ მიუთითებენ კანდიდატის სისუსტეებსა და ნაკლოვანებზე. მნიშვნელოვანია, რომ ეკატერინე კულულაშვილს გააჩნია პასუხისმგებლობისა და მოვალეობების შესაბამისი შეგნება და სამსახურებრივ თუ სხვა სახის მოვალეობებს, მათ შორის, ფინანსურ ან სხვა ხასიათის ვალდებულებებს ასრულებს ჯეროვნად. საქართველოს შინაგან საქმეთა სამინისტროს საინფორმაციო-ანალიტიკური დეპარტამენტის ინფორმაციით, კანდიდატს არ უფიქსირდება ადმინისტრაციული სამართალდარღვევის ჩადენის ფაქტი, ეს ყველაფერი კი ცხადყოფს, რომ კანდიდატს სწორად აქვს შეგნებული როგორც პირადი, ისე პროფესიული მოვალეობები.

რაც შეეხება დამოუკიდებლობის, მიუკერძოებლობისა და სამართლიანობის მახასიათებელს ეკატერინე კულულაშვილს გამოკითხული რეკომენდატორები აფასებენ როგორც სამართლიან, შეუვალ, პრინციპულ, დამოუკიდებელ პიროვნებას. მიუთითებენ, რომ იგი სრულად აკმაყოფილებს კეთილსინდისიერების კრიტერიუმს. ამასთან, კანდიდატის შესახებ მოძიებული ინფორმაციითა და საჯარო მოსმენისაზე მის მიერ გამოვლენილი თვისებების გათვალისწინებით შემექმნა შთაბეჭდილება, რომ იგი არის პიროვნულად მყარი, შეუვალი, ზეგავლენის მიმართ მედეგი და გააჩნია გადაწყვეტილების დამოუკიდებლად მიღების უნარი. რაც შეეხება, კანდიდატის პოლიტიკურ ან სხვა ნიშნით მიუკერძოებლობის საკითხს, უნდა აღინიშნოს, რომ იგი არ ყოფილა არცერთი პოლიტიკური პარტიის წევრი/მხარდამჭერი/შემომწირველი და საჯარო მოსმენაზეც მისი მხრიდან არ გამოვლენილა პოლიტიკური ან სხვაგვარი მიკერძოების ნიშნები.

პიროვნული და პროფესიული ქცევის მახასიათებელიან დაკავშირებით უნდა აღინიშნოს, რომ ეკატერინე კულულაშვილი იცავს ეთიკის წესებს, კოლეგებთან თუ სხვა პირებთან ურთიერთობისას არის კორექტული და გამოირჩევა მოსამართლის

მაღალი წოდების შესაბამისი ქცევითა და იმიჯით. საჯარო მოსმენაზე კანდიდატის მოსმენის შედეგად დამრჩა შთაბეჭდილება, რომ არის მოტივირებული, თავდაჭერილი და თავაზიანი. ამასთან, მოძიებული ინფორმაციით, კანდიდატის წინააღმდეგ დისციპლინური დევნა ან სისხლის სამართლებრივი წარმოება არ დაწყებულა და სასამართლოში წარმართულ დავებში მხარედ წარმოდგენილი არ ყოფილა. საქართველოს გენერალური პროკურატურიდან გამოთხოვილი ინფორმაციის შესაბამისად, ეკატერინე კულულაშვილი დაზარალებულად არის ცნობილი 2 სისხლის სამართლის საქმეზე.

**პიროვნული და პროფესიული რეპუტაციის მახასიათებლის მიხედვით კანდიდატის პიროვნულ თვისებებს**, ისევე როგორც მის პროფესიულ მიღწევებს რეკომენდატორები და გამოკითხული პირები აფასებენ დადებითად. ამასთან, საქართველოს იუსტიციის უმაღლესი საბჭოს საზოგადოებასთან და მედიასთან ურთიერთობის სამსახურის მიერ მოწოდებული ინფორმაციის თანახმად, ეკატერინე კულულაშვილის შესახებ ინტერნეტ სივრცეში იძებნება ინფორმაცია მისი მოსამართლედ გამწესების შესახებ, ასევე მის მიერ განხილულ საქმეებთან დაკავშირებით. ამასთან, ეკატერინე კულულაშვილი აქტიურად მონაწილეობს მართლმსაჯულების საკითხებზე გამართულ სხვადასხვა ღონისძიებაში.

**ფინანსური ვალდებულების მახასიათებელთან დაკავშირებით**, შეიძლება ითქვას, რომ ეკატერინე კულულაშვილს აქვთ დადებითი საკრედიტო ისტორია, მას სახელმწიფო ბიუჯეტის მიმართ დაფალიანება არ ერიცხება და იგი მეწარმეთა და არასამეწარმეო იურიდიულ პირთა რეგისტრში რეგისტრირებული არ არის. ამრიგად, კანდიდატის ფინანსური ვალდებულებების შემოწმების შედეგად გამოიკვეთა, რომ არ არსებობს მისი ქონებრივი ინტერესების მართლმსაჯულების ინტერესებთან დაპირისპირების საფუძველი, რამაც შესაძლოა შემდგომში საფრთხის ქვეშ დააყენოს მოსამართლის მიუკერძოებლობა.

ყოველივე ზემოაღნიშნულის გათვალისწინებით, ვინაიდან არ გამოიკვეთა ისეთი გარემოება, როც ეჭვევეშ დააყენებდა კანდიდატის კეთილსინდისიერების საკითხს, მიმაჩნია, რომ ეკატერინე კულულაშვილი სრულად აკმაყოფილებს აღნიშნულ კრიტერიუმს.

### **უზენაესი სასამართლოს მოსამართლეობის კანდიდატის შეფასება კომპეტენტურობის კრიტერიუმის მახასიათებლების მიხედვით**

„საერთო სასამართლების შესახებ“ საქართველოს ორგანული კანონის თანახმად, კომპეტენტურობის კრიტერიუმის საფუძველზე ეკატერინე კულულაშვილის შეფასებისას მხედველობაში იქნა მიღებული აღნიშნული კრიტერიუმის თითოეული მახასიათებელი. კერძოდ, სამართლებრივი ნორმების ცოდნა, სამართლებრივი დასაბუთების უნარი და კომპეტენცია, წერის უნარი, ზეპირი კომუნიკაციის უნარი, პროფესიული თვისებები, მათ შორის, ქცევა სასამართლო დარბაზში, აკადემიური მიღწევები, პროფესიული წვრთნა და პროფესიული აქტივობა. აღსანიშნავია, რომ კომპეტენტურობის კრიტერიუმით კანდიდატის შეფასება დაეყრდნო კანდიდატის შესახებ მოძიებულ ინფორმაციას, მათ შორის, მის მიერ წარმოდგენილ სამართლებრივ დოკუმენტებს და საჯარო მოსმენის შედეგად შექმნილ შთაბეჭდილებას.

კანდიდატის მიერ სამართლებრივი ნორმების ცოდნის კუთხით უნდა აღინიშნოს, რომ ეკატერინე კულულაშვილი სისხლის სამართლის მიმართულებით კარგად ფლობს მატერიალურ და საპროცესო კანონმდებლობას. საჯარო მოსმენის შედეგად ნათელი გახდა, რომ იგი კარგად იცნობს კონსტიტუციის ნორმებს, საერთაშორისო სამართლის ნორმებს და ეცნობა კანონმდებლობაში განხორციელებულ ცვლილებებს. აღსანიშნავია, რომ მას ჩაბარებული აქვს მოსამართლეობის საკვალიფიკაციო გამოცდა (სისხლის სამართლის სპეციალიზაცია). ამასთან, იგი იყო იუსტიციის უმაღლესი სკოლის XIV ჯგუფის მსმენელი და იუსტიციის მსმენელთა საერთო საკვალიფიკაციო სიაში დაიკავა 90-ე ადგილი.

იუსტიციის უმაღლესი საბჭოს მიერ კანდიდატების შესახებ მოძიებული ინფორმაციის შესწავლის შემდეგ, 2024 წლის 01 აპრილს ეკატერინე კულულაშვილთან გაიმართა საჯარო მოსმენა. საჯარო მოსმენაზე იუსტიციის უმაღლესი საბჭოს წევრებმა კანდიდატს დაუსვეს არაერთი ზოგადი და კონკრეტული სამართლებრივი ხასიათის შეკითხვა, რაზეც კანდიდატმა გასცა ამომწურავი და არგუმენტირებული პასუხები, მხოლოდ რამდენიმე შეკითხვაზე პასუხის გაცემა გაუჰირდა, რაც ზემოთ მაქვს აღნიშნული.

აგრეთვე უნდა აღინიშნოს, რომ საჯარო მოსმენისას კანდიდატი იყო კორექტული და თავაზიანი.

სამართლებრივი დასაბუთების, კომპეტენციისა და წერის უნართან დაკავშირებით შესაძლებელია ითქვას, რომ კანდიდატს აქვს ხანგრძლივი პროფესიული, მათ შორის, მოსამართლის თანამდებობაზე მუშაობის ცხრაწლიანი გამოცდილება. ამჟამად კანდიდატი მივლინებულია ბათუმის საქალაქო სასამართლოში, არის სისხლის სამართლოს საქმეთა კოლეგიის მოსამართლე და ამავე სასამართლოს თავმჯდომარის მოვალეობის შემსრულებელი. ეკატერინე კულულაშვილის მიერ წარმოდგენილი სამართლებრივი დოკუმენტის შესწავლის საფუძველზე შესაძლებელია აღინიშნოს, რომ იგი გამოირჩევა სათანადო წერის უნარით. ამასთან, კანდიდატი კარგად იყენებს და აანალიზებს სამართლებრივ ნორმებს. იგი ახერხებს სამართლებრივი საკითხების სწორად აღქმას და მსჯელობის თანმიმდევრულად, ნათლად გადმოცემას. მნიშვნელოვანია ისიც, რომ შესწავლილ დოკუმენტებში თვალსაჩინო გრამატიკული ხასიათის შეცდომა არ გამოვლენილა.

ეკატერინე კულულაშვილის ზეპირი კომუნიკაციის უნართან დაკავშირებით უნდა აღინიშნოს, რომ იგი გამოირჩევა კარგი და გამართული მეტყველებისა და სხვისა აზრის მოთმინებით მოსმენის უნარით.

ეკატერინე კულულაშვილის პროფესიული თვისებების, მათ შორის, სასამართლო დარბაზში ქვეყანთან დაკავშირებით კანდიდატის შესახებ მოძიებული ინფორმაცითა და მის წარმოებაში არსებულ საქმეთა განხილვის სტატისტიკური ინფორმაციის თანახმად, ეკატერინე კულულაშვილი გამოირჩევა შრომისმოყვარეობით, პუნქტუალურობით, მიზანდასახულობით, მენეჯერული უნარ-თვისებებით, გულმოდგინებით და გააჩნია საქმის ჯეროვნად, პასუხისმგებლობით მომზადების, მხარეებთან სათანადოდ მოქცევისა და სასამართლო სხდომის კარგად წარმართვის უნარი. უშუალოდ კანდიდატის წარმოებაში არსებულ საქმეთა განხილვის სტატისტიკური ინფორმაციის თაობაზე უნდა აღინიშნოს, რომ 2021 წლის თებერვლიდან 2024 წლის თებერვლამდე პერიოდში მის მიერ საპროცესო ვადების დაცვით განხილულ საქმეთა პროცენტუ-

ლი მაჩვენებელია - 100%, ასევე უცვლელად დატოვებულ გასაჩივრებულ გადაწყვეტილებათა პროცენტული მაჩვენებელი შეადგენს 92,6%-ს.


კადეტიური მიღწვევებისა და პროფესიული უწევობის შესახებ შეიძლება ითქვას, რომ კანდიდატი არის ღია სიახლეების მიმართ და აქვს თვითგანვითარების, ახალი ცოდნისა და უნარების შეძენის ინტერესი. ეკატერინე კულულაშვილი აქტიურად მონაწილეობს მართლმასჯულების საკითხებზე გამართულ სხვადასხვა ღონისძიებაში. ამასთან, ჩაბარებული აქვს მოსამართლეობის საკუალიფიკაციო გამოცდა. თუმცა, იგი არ ეწევა პედაგოგიურ საქმიანობას და არ აქვს მომზადებული სამეცნიერო ან სხვა სახის პუბლიკაცია.

### შეჯამება

ყოველივე ზემოაღნიშნულის გათვალისწინებით, მიმართა, რომ კანდიდატი ეკატერინე კულულაშვილი სრულად აკმაყოფილებს კეთილსინდისიერების კრიტერიუმს, ხოლო კომპეტენტურობის კრიტერიუმის თითოეულ მახასიათებელთან მიმართებით კანდიდატის შეფასებისას გათვალისწინებულ იქნა მისი ცოდნა, კომპეტენცია, გამოცდილება, პროფესიული თვისებები, უნარ-ჩვევები და სხვა მნიშვნელოვანი მახასიათებლები. აღნიშნული ინფორმაციის შეჯერებისა და შეფასების საფუძველზე კი დადგინდა, რომ კანდიდატის მიერ დაგროვილ ქულათა ჯამი მაქსიმალური 100 ქულიდან შეადგენს **92** ქულას.

შემფასებელი:

29.04.2024



ნიკოლოზ მარსაგიშვილი